



解署

昔先王之有天下也建邦啓土樹之侯王君公承以大夫師長自國都以及郡邑百司度府大小廣狹豫定宮室各有儀制官師之爰處攸寧民庶之具瞻在是邑中翼翼四境維極矣爰志解署

攷古制

甬牆

松滋縣誌

解署

卷之十

高一丈三尺餘廣二丈餘

今如舊制

頭門

廣三間高一丈八尺餘門左土地祠右賓館廣三

間高一丈三尺餘

今如舊制

二門

廣三間高一丈九尺餘吏戶禮兵刑工承發架閣

東西各五間由左廂磚甃長道達戎廳由右廂磚

甃長道達糧廳

今如舊制

正堂

廣三間高二丈三尺許自右角門轉入是為縣庫

今如舊制

退食堂

由正堂而入重簷橋欄登棟高廠是為捲蓬連接

處有堂三間高二丈餘自退食堂而後衙舍三重

高廣參差不一厨舍小室計十間傍有書院樓其

樓以望江名高可三丈許直抵城脚週環衛以高

松滋縣誌

縣署

卷之十

二

垣今較舊制增減不一

縣丞署

明末缺裁署廢

由正堂左廂轉入即戎廳署堂三間高一丈四尺

許堂後內室二重

主簿署

明末缺裁署廢

由正堂右廂轉入即糧廳署堂廣三間高一丈三

尺許堂後內室二重

典史署

由縣丞轉入屋三間內有室是為捕署

樵樓

石臺高二丈餘臺上置樓廣三間高二層計三丈

有奇

布政司分司 縣東

按察司分司 縣東

府館 縣東

紅崖寨巡檢司 縣南一百里

松滋縣誌 縣署 卷之十

潘家溪水驛 縣西三里

陰陽學 縣西

醫學 縣東

縣署攷說

松治縣署先明時公堂廳衙儀制壯麗丁癸未亂

松羅兵燹衙舍無有存者

國朝定鼎初尚蠻雜處松城牧民者反避居湖濱依

民為廬舊制隨亦矣迨康熙六年 邑侯屈奉檄

築城垣建造公署未幾去任績用弗成十年辛亥
邑侯李始率湖居之民還定安集之社時堂雖構
而觀瞻不肅室雖作而風雨不蔽大儒學宮兩廡
近而儀門房庫則概乎未之有也歷張侯官侯陳
侯高侯未有起而新之者迨二十三年甲子今
邑侯陳公甫蒞任卽志勤修復乃捐俸自門堂以
及退室次第鼎新風雨攸除鳥鼠攸去頽牆翬自
已出不需民間縱未能盡復古制而丹雘塗堊

松滋縣誌

解署

卷之十

四

模宏遠維 侯之功云

學宮制

甬墻

外有泮池由甬墻而入過費門卽月宮橋橋下
池從底石發丈許上圓石檻鏤刻甚工

櫺星門

門分三道石柱木柵

大成門

廣三間高丈三尺餘中間三門

大成殿

東西兩廡

禮門 左殿左

各宦祠

鄉賢祠

俱從禮門入從儀門

轉角門進明倫堂

明倫堂

宋張南軒作學宮

碑記其石尚存

尊經閣

由明倫堂側門

入後抵城

松滋縣誌

解署

卷之十

五

教諭署

訓導署

谷山書院

在縣東次廢元傅瓊建

今城隍廟

即元學官地現存有

碑明始遷縣治東

學宮攷說

松治學宮建自宋時在縣治東規制宏濶至今讀

宋賢胡安定張南軒諸先生學記煌煌乎大觀也

明邑人士之登賢書題鴈塔者踵相接焉宦蹟爛

然明社既屋，賦賦屠殘，盡爲灰燼。周道茂草，之傷非一日矣。

國初之幸松者，以縣治荒涼，徃不時出沒，避居西湖。自康熙十年，邑侯李歸城，多因陋就簡，不聞崇建。歷十載，邑侯高及學師章慨然有志，修復大成殿，明倫堂，次第營造。工未竣而高侯遷刺保德州，章亦尋授崑山。令聖宮賢廡，名宦鄉賢諸祠，未遑構造。頃邑侯陳蒞任松土，學師姜

松滋縣誌

解署

卷之十

六

振鐸邑中，矢志復古。率闔邑紳士，鳩工庀材，復捐俸以佐費之。不逮以故，櫺星門大成門，啟聖宮，名宦鄉賢兩祠，東西二廡，一一創造。越二年，乃告成。功都人士之入城，而覲宮墻，謁廟而景，巍煥浸浸。乎絃誦成風，人文蔚起。徵二公之力，不至此。